

明

史

四儀之同者各附于其類云

大朝儀漢正會禮夜漏一盡七刻鐘鳴受賀公侯以

下執贄來庭二千石以上十叙稱萬歲然後宴饗大

作樂魏武帝一正會文昌殿用漢儀又設百華燈

晉咸寧注夜漏未盡七刻謂之晨賀盡漏畢三刻更

出百官奉壽酒別置女樂三十人奏房中之歌謂之

畫會唐制正旦冬至五月朔千秋節咸受朝賀宋因

之明洪武元年定正旦朝會儀先日陳御座于奉天

殿設表案于丹墀內道西北設皇太子親王次于文

樓設文官起居位于文樓之南西向武官起居位于

武樓之南東向設文武官拜位于道之東西海等
異位重行北面使者位文官拜位之東殿前班侍從
班諸執事位文武官起居位北東西向捧表宣表宣
表目展表諸官位表案西東向糾儀御史二人位表
案南東西向宿衛鎮撫二人位東西陛下護衛百戶
二十四人位鎮撫南典牧所官二人位乘馬前司晨
即位為導之班二人位文武官拜位北東西向
通贊贊禮二人位知班北文武班四人位文武官
拜位北稍後東西向引以前班二人位引武班之南
引使者二人位引文班之南舉表案二人位引武班

之北舉殿上表案二人位西陞下東向丹陞上正中
設皇太子親王拜位殿前班指揮司官三人位陞上
之西東向光祿寺官三人陞上之東西向儀鑾司
官位殿中門左右東西向護衛千戶八人位殿東
西門之左右東西向典儀二人位殿上南東西向鳴
鞭四人列殿前班之南北向將軍六人位殿門左右
各東西向天武將軍四人位陞上四隅皆東西向奉
天殿上設寶案于正中設表案于寶案之南設皇太
子親王位于寶案之南文官侍從班起居注給事中
殿中侍御史尚寶卿位于東西向武官侍從班懸刀

指揮位于西東向受表官位文侍從班南西向內贊
二人又位于其南東西向捲簾將軍二人位簾前東
西尚是日早錦衣衛設鹵簿太駕金吾衛列甲士于
午門外東西陳五輅旗仗于奉天門外東西陳儀衛
于丹陛上及丹墀之東西拱衛司于皇太子親王位
設拜褥典牧所陳使馬于文武樓南東西向和聲郎
陳樂于丹墀司舉表案入就殿上鼓初嚴百官
具朝服次嚴齊班于午門外北上東西向通班贊禮
知班典儀內贊宿衛鎮和護衛鳴鞭殿內外將軍咸
入就位引班引殿前班指揮光祿卿糾儀官捧表宣

表宣表目展表受表諸官各依班從序立于起居位
東西向諸侍衛官及尚書卿侍從官各服其毳服入
詣謹身殿候迎鼓主嚴文代官以次入侍儀奏外辦
御用月令表 皇帝服袞冕御與尚書卿捧寶侍儀
侍衛導從警蹕以出仗勤大樂鼓吹振作陛御座樂
止捲簾尚書卿置寶于案拱衛司鳴鞭司晨郎報時
雞唱訖諸侍從及拱衛司官由殿西門出降自西階
入起居位通班贊某衛指揮使臣某以下起居樂作
四拜興樂止指揮使以下皆鞠躬稱聖躬萬福復位
贊拜樂作四拜興樂止通班贊供下殿前侍從班及

諸執事就位引進引皇太子及親王由奉天東門入
樂作陞自東階至丹陛拜位樂止贊拜樂作四拜興
樂止引進尊皇太子親王詣奉天殿東門入樂作引
進立伺于門外內贊接引皇太子親王至御座前行
禮位樂止贊跪皇太子親王皆跪皇太子稱賀曰長
子某茲遇履端之節謹率諸弟某等欽詣父皇陛下
稱賀曰長子某與長子等同之贊俯伏興平身
皇太子親王皆俯伏興平身內贊引皇太子親王由
東門出樂作引進引復入陛拜位樂止贊拜樂作四
拜興樂止降自東階樂作至文樓樂止司晨再報時

訖通班贊丞相臣某以下起居引班引文武百官入
丹墀拜位北面立初行樂作至位樂止知班贊班齊
贊禮贊拜樂作四縣興樂止引班導丞相由西階陞
引班引候干下捧表官詣案前播笏捧表及宣表
官宣表目官展表官以次從丞相行樂作至殿西門
樂止內贊接引丞相至御座前贊跪丞相跪衆官皆
跪丞相奏具官臣某等茲遇三陽開泰萬象維新欽
惟皇帝陛下膺乾納祐奉天永昌奏畢丞相以下皆
俯伏興丞相出殿西門樂作降自西階復位樂止捧
表等官由殿西門入捧表官跪進案前受表官播

笏跪于案東受表及表目置於案前笏興退復位捧
表官出笏興退立于殿內之西東向宣表目官詣案
前播笏取表目跪宣展表官播笏同跪展宣畢展表
官出笏復位宣表目官俯伏興以表目復于案出笏
退復位宣表官詣案前播笏取表跪宣展表官播笏
同跪展宣訖展表官出笏以表復于案退復位宣表
官俯伏興以表目復于案出笏退復位宣表官
復位贊拜樂作四拜興樂止給事中詣御座前跪承
制由殿中門出至丹陛上東南西向稱有制百官皆
跪給事中宣云皇帝制曰履端之慶與卿等同之宣

詔給事中由西門入跪奏承制畢俯伏興退衆官皆
播笏鞠躬三舞蹈跪賀禮唱山呼各官拱手加額白
萬歲又唱山呼各官又拱手加額白萬歲又唱萬山
呼各官又拱手加額白萬萬歲凡此萬歲樂正軍校
齊聲擊鼓應呼之山呼畢出笏俯伏興贊拜樂作四
拜興樂止侍儀奏禮畢鳴鞭皇帝興樂作侍從導引
至謹身殿樂止舉表案出丞相以下文武百官以次
出其冬至節皇太子親王稱賀則曰履長之節制由
履長之慶丞相以下稱賀曰律應黃鍾由當長之傳
制亦曰履長之慶天壽聖節皇太子致詞曰長子某

欽遇父皇陛下聖誕之辰謹率諸將等敬祝萬歲
壽丞相致詞曰具官臣某敬遇皇帝陛下聖誕之辰
謹率文武官僚敬祝萬歲壽不傳制凡立春日進春
都城府縣官舉春案由東階陞跪置于丹陛中道俯
伏興贊拜樂作四拜興樂止文武官北向立致詞官
詣中道之東跪奏云新春吉辰禮當慶賀贊鞠躬拜
樂作三拜三樂止儀禮奏禮畢又舊制冬至日
行賀禮嘉靖九年緣祀二郊以冬至大報是日行慶
成禮次日帝詣內殿行節祭禮又詣母后前行賀禮
訖始御奉天殿受羣臣朝賀舉慶成宴

常朝儀古禮天子三朝外朝以大詢內朝以日視朝
燕朝退而聽政漢宣帝五日一朝唐制天子日御紫
宸殿見羣臣曰常參朔望御宣政殿見羣臣曰入閣
燕後又詔羣臣五日一朝隨宰相入見內殿謂之起居
宋元豐官制詔侍從官以上日朝垂拱謂之常參官百
司朝官以上五日一朝紫宸爲六參官在京朝官以
上朔望一朝紫宸爲朔參官明洪武初定制朔望日
坐東弁服御奉天殿百官朝服于丹墀東西北面立
兩拜班班前同百官鞠躬稱聖躬萬福復位班首
及百官皆兩拜分班對立省府臺衙官有事奏由西

階陛殿奏畢降自南階百官以次出洪武廿七年詔
百官朔望日罷起居禮後更定朔望日上御奉天殿
常朝官序立于丹墀東西向謝恩見辭官序立于奉
天門外北向上陞座樂作常朝官一拜三叩頭無樂
正復班謝恩見辭官于奉天門外五拜三叩頭畢駕
興衣凡早朝上御華蓋殿文武官于鹿頂外東西立
鳴鞭以次行禮記四品以上官入侍殿內五品以下
仍于鹿頂外北向立有事奏者出班奏畢鳴鞭以次
出至御奉天殿五品以下詣丹墀北向立五品以上
祭翰林院給事中監察御史于中左中右門候鳴鞭

詣殿內序立朝退以次出二十二年詔奉天殿常朝
且府六部都察院通政司大理寺錦衣衛侍殿內其
羣臣奏事止于華蓋殿凡文武百官於御前侍座有
太子宮奏事必起立奏畢復坐凡官員從皇帝行丹
墀常北面不南向左若環轉不背北皇帝陞奉天門
及丹陛隨從官不得徑由中道并五道凡殿上筵宴
奏事著履入二十四年定侍班官東則六部都察院
堂主官十三道掌印御史通政司大理寺太常寺太
僕寺應天府翰林院春坊光祿寺欽天監尚寶司太
醫院滋養所舊皮庫縣官西則五軍都督錦衣衛指揮

揮各衛掌印指揮給事中中書舍人又令禮部置百
官朝牌犬書品級列丹墀左右木柵上依序立永樂
四年諭六部及近侍官曰早朝多四方所奏事午後
事簡君臣之間得從容陳論自今有事當商確者皆
乎晚朝庶盡委曲七年帝謂行在禮部尚書趙瑄曰
北京冬氣嚴凝羣臣早朝奏事立久不勝今後朝畢
未右順門南使數奏事著爲令景泰初定午朝儀凡
午朝止御左順門堯期設御座寶案文武執事奏事
官候于左掖門外駕出以次入內閣五府六部奏事
官六科侍班官案西序立侍班御史二人序班二人

將軍四人案南面北立鳴贊一人案東面西立錦衣衛鴻臚寺堂上官面東立管將軍官並侍衛官立于將軍西府部奏事畢撤案各官退有密諫許赴御前奏嘉靖九年令帶朝官禮畢內閣官由東陞錦衣衛官由西陞陞立于寶座東西有欽差官及外國人領勅翰林詹事坊局官一人奉勅位內閣後稍上候頌勅官辭奉勅官承旨由左陞下循御道授領勅官仍還班立隆慶六年詔以三十九日視朝萬曆三年令常朝班記注起居史官四人立于東班給事中並稍前以便觀聽外朝則列于御座西稍南

諸王來朝儀古者六年五服一朝漢法有四見儀常
皆餘歲一至魏制藩王不得入覲晉泰始中令王公
卿下入朝者四方各爲二番三歲而周唐以後親藩
多不就國故朝賀皆至位羣臣上明興仿古封建制
令親王之國不常入朝朝則賜鈔幣甚厚凡來朝先
期內使監陳御座寶案于奉天殿如常儀設諸王位
派于奉天殿外東丹房內設拜位于丹陛止及御座
前設王府官拜位并丹墀南內遵上之東西鼓三嚴
皇帝御輿出文武百官入就侍立位引禮導王具衮
冕由東門入陞東陛王府官入丹墀位立贊拜樂作

王與王府官皆四拜興樂止王詣殿東門入樂作內
贊導王至御前樂止王跪王府官皆跪王致詞曰第
幾子某王某茲遇某時入覲欽詣父皇陛下朝拜贊
俯伏興王與王府官皆俯伏興王由東門出樂作復
將陞拜位樂止贊拜樂作王與王府官皆四拜興樂
止侍儀奏禮畢駕興王出王府官及百官以次出洪
武二十六年定凡諸王入朝行八拜禮常朝一拜凡
伯叔兄見天子在朝行君臣禮便殿行家人禮
諸司朝覲儀天下諸司凡三年一入覲行考績黜陟
之典古制也明制諸司來朝自十月十六日始滿

臚寺以來引見二十五日後每日方面官入奉太門
隨常朝官行禮序于文班府州縣官及諸司首領官
跪于官東俱于門外行禮正旦太朝會以後方面官
於奉天殿前序立知府以下奉天門金水橋南序立
貼常朝儀天順三年令凡方面官入朝遞降京官一
等萬曆五年令凡朝覲兩京府尹行太僕寺苑馬寺
卿按察司副都御史二月十六日朝見外班行禮由右
掖門至御前鴻臚寺官以次引見其鹽運使及知府
以下官吏浙江江西十七日山東山西十八日河南
陝西十九日湖廣南直隸二十日福建四川二十一

自廣東廣西二十二日雲南貴州二十三日北直隸
二十四日各外班行禮至御前引見免朝則止仍候
御朝日引見正旦朝賀各官俱以殿前行禮如常儀
跪朝覲官見辭謝恩具公服正旦其朝服不帶束履
常朝俱錦繡

朝皇后儀中官受朝儀前史多不載惟唐開元禮有
朝皇太后及皇后受羣臣賀儀而皇太子皇妃以下朝賀中
刪無皇后受羣臣賀儀而皇太子皇妃以下朝賀中
宮儀則自洪武元年九月詔定凡中宮朝賀先期尚
使監設皇后寶座于坤寧宮設皇太子幄次于宮門

外之東近北數親王幄次于南是日東宮丹陛設儀
仗內使執名殿中儀仗女使執之該皇太子親王拜
俯于丹陛中殿內陳女樂于宮門外皇太子親王
朝皇帝訖司贊導至幄次皇后具冠服出仗動樂作
陛座樂止司賓導皇太子親王入樂作至丹陛拜位
樂止贊拜樂作四拜興樂止司賓導進自殿東門樂
作內贊接引至御前拜位樂止贊跪皇太子親王皆
跪皇太子致詞曰長子某茲遇履端之節冬至日
率諸弟某等恭詣母后殿下稱賀致詞畢皇太子及
親王皆俯伏興自殿東門出樂作復位樂止贊拜樂

作四拜興樂止禮畢皇后興樂作入內閣門樂止皇
太子親主由東門出中秋節如之皇貴妃以下及外
命婦諸中宮朝賀朔期內使監數皇貴妃及衆妃偃
次于宮門外西近北設皇太子妃諸王妃公卿偃次
于宮門外東稍南設外命婦偃次于門外之南東西
向是日設皇貴妃以下拜位于陛上正中設外命婦
侍立位于殿庭之東西設拜位于殿庭之中皇后服
禕衣出閣仗動樂作陞座樂止司賓導外命婦由東
門入侍立位導皇貴妃以下由東門入至陛上拜位
以次立贊拜樂作四拜興樂止導皇貴妃衆妃由殿

東門入樂作內贊接引至殿上拜位樂止贊跪皇貴
妃衆妃皆跪皇貴妃致詞曰妾某氏等茲遇履端之
節冬至曰恭詣皇后殿下稱賀致詞畢皇貴妃衆妃
皆俯伏興由殿東門出樂作復位樂止贊拜樂作四
拜興樂止皇貴妃以下降自東階出司賓導皇太子
妃王妃公主出東門入至殿上拜位以次立行禮如
皇妃儀致詞曰長婦某氏等稱賀賀畢由東門出
樂作復位樂止贊拜樂作四拜興樂止皇太子妃以
下降自東階出司賓導外命婦入拜位贊拜樂作四
拜興樂止導班首由西陸陞入殿西門樂作內贊接

引至殿上拜位樂止贊跪班者及諸命婦皆跪班首
致詞曰某國夫人妾某氏等稱賀賀畢由西門出樂
作僊位樂止司言承旨由殿中翔出立于露臺上之
東南向拜有旨諸命婦皆跪司言宣旨白履端之慶
興夫人等共之冬至曰履長贊興諸命婦皆興司言入跪
云宣旨畢皇后興樂作入內閣門樂止諸命婦由西
門出其皇后壽旦皇太子致詞則曰長子某茲遇母
后殿下聖誕之辰謹率諸弟某等恭正千歲壽皇貴
妃以下祝詞同太皇太后皇太后朝賀儀仿此洪武
二十六年重定中宮朝賀儀凡正旦前十日女官鼓

御座香案其日清晨內官陳設儀仗陳女樂于丹陛
東西北向設箋案于殿東門外命婦至宮門司賓引
就拜位女官具服侍班如常儀尚宮尚儀等官詣
中奉迎皇后具服出仗動樂作陞座樂止贊諸命婦
拜樂作四拜興樂止女官舉箋案由殿東門入樂作
至殿中樂止贊跪諸命婦皆跪贊宣箋目女官宣訖
興贊展箋宣箋女官詣案前展宣訖興舉案于殿東
命婦皆興司賓引班首由東階陞入殿東門樂作內
贊接引至殿中樂止贊跪班首及諸命婦皆跪班首
數詞訖皆興班首由西門出樂作降自西階至拜位

樂止贊拜樂作四拜興樂止司言宣旨內贊贊拜如
儀禮畢皇后興樂作還宮樂止命婦以次出千秋節
致詞不傳旨凡朔望命婦朝參是日女官設皇后御
座于宮中內官陳設儀仗教坊司設女樂皇后陞座
引禮女官引命婦入班文東武西各以夫品贊拜樂
作四拜興樂止禮畢皇后興命婦以次出陰雨大寒
暑則免後命婦朝賀于仁智殿其命婦朝東宮妃儀
如朝中宮不傳旨

朝賀東宮儀漢以前無聞隋文帝時冬至百官朝太
子勇勇張樂受賀帝問朝臣太常少卿辛亶對曰於

東宮是賀不得言朝乃下詔曰皇太子雖居上嗣義兼臣子而諸方岳牧正冬朝賀任土作貢別上東宮事非典則宜悉停斷唐制宮臣叅賀皇太子皆舞蹈開元始罷其禮故事百官詣皇太子止稱名惟宮臣稱臣明洪武十四年給事中鄭相同請如舊制凡啟事東宮惟東宮官屬稱臣朝臣則否詔下羣臣議編修吳沉等議曰東宮國之大本所以總聖體而承天位也臣子尊敬之禮不得有二請凡啟事東宮者稱臣如故從之凡朝東宮前期典璽官設皇太子座于文華殿錦衣衛設儀仗于殿外東西教坊司陳大樂

于文華門東西北向府軍衛列甲士于門外錦衣衛
設將軍十二人于殿中門外及文華門外東西向立
儀禮司官設箋案于殿東門外設文武拜位于殿下
東西設傳令宣箋等官位于殿內東西是日文武官
詣文華門外北向立導引官啟外備皇太子具冕服出
樂作陞座樂止文武官入贊拜樂作四拜興樂止丞
相陞自西階至殿內拜位贊跪丞相衆官皆跪丞相
致辭曰某等茲遇三陽開泰萬象維新敬惟皇太子
殿下茂膺景福賀畢丞相衆官皆俯伏興丞相出自
西門復位舍人舉箋案入殿中捧箋等官由西門入

捧箋官以箋進受箋官跪奠之盡于案展箋官取箋
于案跪展宣箋官詣案跪宣訖興以箋復于案皆自
西門出復位奉命官由中門出直殿階東南向曰有
命衆官皆跪傳令曰履絃三陽願同嘉慶傳令畢由
西門外復命衆官俯伏興贊拜樂作四拜興樂止禮
畢皇太子興樂作還宮樂止文武官以次出冬至致
詞曰茲履律應黃鐘司當長至敬惟皇太子殿下茂
膺景福傳令曰履長之節願同嘉慶千秋節致詞曰
茲履皇太子殿下壽誕之辰謹率文武群官敬祝千
歲壽不傳令凡朔望日文武百官朝退詣文華殿門

外分東西侍立候皇太子陞殿樂作有官行半拜禮
其謝恩免辭亦行禮如次出漢儀元年中司馬取
東宮師傅皆執鴈大臣當以殊禮難同庶僚各禮官
議三師朝賀東宮儀卽是禮部及翰林諸儒臣議由
唐制群臣朝賀東宮行西拜禮皇太子答後三拜王
公朝賀前後俱答拜近代答拜之禮不行而三師之
禮未可不重各擬凡大朝賀前期設皇太子座于火
本堂設恭拜褥位于堂中設三師賓客諸德拜位于
堂前望月皇太子常服陞座三師賓客常服入就位
北向立皇太子起立南向贊西拜皇太子答後三拜

六年詔百官朝見太子朝服去蔽膝及佩二十九年
詔廷臣議親王見東宮儀禮官議諸王來見前期内
使監設皇太子位于正殿中設諸王位次于東宮門
外設諸王拜位于殿門外及殿內設王府官拜位于
殿庭中道上之東西設文武官侍立位于庭中東西
面至日宿衛陳甲士拱衛司陳儀仗和聲郎陳樂如
羣儀諸王朝賀中宮訖詣東宮外門幄次皇太子常
服出樂作陞座樂止引禮導諸王入就殿門外位初
行樂作就位樂止引禮導王詣殿東門入樂作內贊
接引至位北向立樂止贊跪王與王府官皆跪王致

詞曰茲遇某節恭詣皇太子殿下致詞畢王與王府
官皆俯伏興王由殿東門出樂作復位樂止贊拜樂
作王與王府官皆四拜興樂止禮畢皇太子興王出
王府官及文武各官以次出王至後殿序家人禮東
宮及王皆常服王由文華殿東門入至後殿王西向
東宮南向相見禮畢欽坐東宮正中南面諸王列于
東西嘉靖二十八年禮部奏故事皇太子受朝賀設
座文華殿中今易黃瓦則東宮似應避尊得旨東宮
受賀位當設文華門之左南向然侍衛未備已之隆
慶二年冊皇太子詔于文華殿門東間設座受群臣

朝賀

大宴儀宴饗以通上下之情二雅三禮所載詳矣漢
大朝會群臣止殿稱萬歲舉觴御食前司空奉羹大
司農奉飯百官受賜宴饗大作樂晉設白獸樽于殿
庭詔能獻直言者發樽飲酒其後沿襲爲具文而已
唐常參官日賜食謂之廊餐而大饗登歌或于殿庭
設九部伎非古也宋以春秋仲月及千秋節大宴群
臣設山樓排場爲群仙隊仗陳錦繡幃幃垂香毼布
文茵窮極奢麗明洪武元年定謹身殿宴禮二十六
年重定大宴禮陳宴于奉天殿凡正旦冬至萬壽節

俱賜宴宣德正統間朝官不與者給賜節錢凡立春
元宵四月八日端午臘八日永樂間俱于奉天門賜
百官宴用樂其後皆宴于午門外不用樂立春日賜
春餅元宵日圓子四月八日不落筭端午日涼糕糗
重陽日糕臘八日麵俱設于午門外以官品序坐嘉
靖中改不落筭爲麥餅正統四年詔皇太后聖誕賜
宴午門東宮千秋節永樂間賜府部堂上左右春坊
科道近侍錦衣衛及天下進箋官宴于文華殿宣德
以後俱宴于午門凡祀園丘方澤祈穀朝日夕月耕
籍田經筵日講東宮講讀皆賜飯親蠶賜內外命婦

飯纂修校勘書籍開館暨書成皆賜宴閣臣九年考滿賜宴于禮部九卿侍宴新進士賜宴曰恩榮凡太宴前期尚寶司設御座于奉天殿錦衣衛設黃麾于殿外之東西金吾等衛設護衛官二十四人于殿東西教坊司設登歌樂于殿內設大樂于殿外立三舞隊于殿下光祿寺設酒亭于御座下西設膳亭于御座前東設珍羞醢醢亭于酒膳亭之東西設御筵于御座東西設皇太子座于御座東西向諸王以次南東西相向群臣四品以上位于殿內五品以下位于東西廡司壺尚酒尚食各供事至期儀禮司請陞座

駕興大樂作陞座樂止鳴鞭皇太子親王上殿文武
官四品以上由東西門入至殿中北向立五品以下
于丹墀北向立贊拜樂作皇太子以下及文武官皆
四拜興樂止光祿寺官進御筵大樂作捧案至御前
樂止內官進花光祿寺官開爵注酒詣御前進第一
爵教坊司奏炎精之曲樂作內外官皆跪教坊司跪
奏進酒飲畢樂止衆官俯伏興贊拜樂作四拜興樂
止各就位坐序班詣羣臣敬花進第二爵奏皇風之
曲樂作光祿寺官酌酒御前序班酌羣臣酒皇帝舉
酒群臣亦舉酒樂止進湯鼓吹作響節前導至殿外

鼓吹止殿上樂作群臣起立光祿寺官進湯御前群
臣復坐序班供群臣湯皇帝舉筯群臣亦舉筯贊饌
成樂止武舞入奏平定天下之舞舞畢出進第三爵
奏省皇明之曲樂作進酒如初樂止奏撫安四裔之
舞舞畢出進第四爵奏天道傳之曲樂作進酒進湯
如初樂止奏車書會同之舞舞畢出進第五爵奏振
皇綱之曲樂作進酒如初樂止奏有戲呈應舞舞畢
出進第六爵奏金陵之曲樂作進酒進湯如初樂止
奏八蠻獻寶舞舞畢出進第七爵奏長楊之曲樂作
進酒如初樂止奏採蓮隊子舞舞畢出進第八爵奏

芳醴之曲樂作進酒進湯如初樂止奏魚躍于淵舞
舞畢出進第九爵奏駕六龍之曲樂作進酒如初樂
止光祿寺官收御爵序班收羣臣盞進湯進大膳大
樂作群臣起立進訖復坐序班供群臣飯食訖贊膳
成樂止徹膳奏百花隊舞舞畢出贊徹案序班徹群
臣案光祿寺官徹御案贊宴成群臣皆出北向立序
班徹群臣座贊拜樂作四拜興樂止群臣分東西立
儀禮司奏禮畢駕興大樂作鳴鞭樂止皇太子親王
還宮文武官依次出凡冬至聖節朝會宴饗皆如止
儀凡宴命婦先期坤寧宮設儀仗陳女樂如儀至日

皇后常服陞座皇妃皇太子妃王妃公主亦常服隨
出閣入就位大小命婦各立于座位後丞相夫人率
諸命婦舉御食案丞相夫人捧壽花二品外命婦各
與食案于皇妃皇太子妃王妃公主前大小命婦各就
坐位奉御執事人分進壽花于殿內及東西廡酒七
行上食五次酌酒進湯樂作止並如儀

孝尊號徽號儀子無爵父之道漢高帝感家令之言
而尊太公荀悅謂孝莫大于嚴父而以子貴加之父
母家令之言過矣晉哀帝欲尊崇皇太妃尚書僕射
江革以爲宜告顯宗之廟奉先靈之命明事不在已

宋元志俱載皇太后上尊號儀而不行告廟非禮也
明洪熙元年六月宣宗登極禮部上尊皇太后儀注
先期遣官祭告天地宗廟社稷暨太宗皇帝大行皇
帝几筵是日鳴鍾鼓百官具朝服內侍官于奉天門
設冊寶綵與香亭教坊司設中和韶樂及大樂設而
不作內官設皇太后寶座于宮中陳儀仗于丹陛及
丹墀設冊寶案香案于寶座前設皇帝拜位于丹陛
上親王拜位于丹陛中女樂設而不作皇帝具冕服
御奉天門奉冊寶官以冊寶置綵與中內侍舉與皇
帝隨輿降階陞輅百官于金水橋南北向立與至皆

跪過興隨至思善門外橋南北向立皇帝至思善門
內降輅皇太后陞座興至丹陛上皇帝由左門入至
陛右北向立親正其冕服各就位奏四拜皇帝及親
王以下皆四拜畢奉冊寶官以冊寶由殿中門入立
于左皇帝由殿左門入至拜位跪親王百官皆跪奏
摺主奏進冊奉冊官以冊跪進于皇帝右皇帝受冊
獻訖以授執事官執事官跪受置案左奏進寶奉寶
官以寶跪進于皇帝右皇帝受寶獻訖以授執事官
執事官跪受置案右奏出主奏宣冊執事官跪宣讀
皇帝俯伏興由左門出至拜位奏四拜傳唱百官同

四拜禮畢駕興是日皇帝奉皇太后祇謁奉先殿及
太宗皇帝大行皇帝几筵禮畢皇太后還官服燕居
冠陞座皇帝率皇后皇妃親王公主及六尚等女官
行慶賀禮翌日外命婦四品以上行進表箋禮宣德
以後儀同天順二年正月帝率文武群臣奉冊寶止
皇太后徽號曰聖烈慈壽皇太后先期遣官祭告天
地宗廟社稷至日進冊寶受賀致詞官跪奏嗣皇帝
臣伏惟皇太后陛下功德兼隆顯崇徽號永膺福壽
率土同歡命婦進表慶賀致詞曰某夫人妾某氏等
恭惟皇太后陛下德同坤厚允協徽稱壽福無疆與

情歡戴餘如常儀後上徽號及加上徽號仍此冊皇后及妃嬪儀古者立后無冊命之儀至漢靈帝立宋美人爲皇后乃御章德殿命太尉持節奉璽綬讀冊皇后北面稱臣妾跪受冊璽此皇后受冊命之始其後沿爲定制而儀物禮文代各不同至宋爲尤盛明則叅唐宋之制而用之凡冊皇后前期三日齋戒遣官祭告天地宗廟行一獻禮前一日內使監設御座于奉天殿尚寶司設御寶案于座前侍儀司設冊寶案于寶案之南設奉節官位于冊案之東掌節者位于奉節官之左稍退俱西向設承制官位于其

南西向設正副使受制位于橫街之南北向東上設
承制官宣制位于其北西向設奉節奉冊奉寶官位
于正副使東北西向設正副使受冊寶褥位于受制
位之北北向典儀二人位丹陛上之南贊禮二人位
正副使之北知班二人位贊禮之南俱東西相向文
武百官位文武樓北文武侍從班位殿上之左右如
朝儀是日早錦衣衛設鹵簿大駕金吾衛陳甲士拱
衛司陳儀仗和聲郎設樂內官設皇后受冊位及冊
節寶案于宮中設香案于殿上設權置冊寶案于香
案前設女樂于丹陛以俟贊明鼓初嚴導駕官入迎

次殿正副使文武百官朝服入三殿皇帝服袞冕御
興出至奉天殿陞座作樂鳴鞭如儀禮部官奉冊寶
置于案諸執事官各入就殿上位立樂作四拜興樂
止承制官詣御座前跪奏請發皇后冊寶承制訖由
中門出降自中陞至宣制位曰有制正副使跪承制
官宣制曰冊妃某氏爲皇后命卿等持節展禮宣畢
由殿西門入復位正副使俯伏興奉冊寶官率執事
者舉冊寶案奉節官率掌節者舉節前導由中門出
降自中陞至正副使受冊寶禱位以案置于北掌節
者脫節衣以節授奉節官奉節官措笏受節以授正

使正使搢笏跪受以授掌節者掌節者跪受興立于
迎使之左奉節官出笏退引禮引正使詣受冊褥位
立奉冊官搢笏取冊于案以授正使正使搢笏跪受
冊復置于案奉冊官及正使皆出笏退復位引禮引
副使詣受寶褥位立奉寶官搢笏取寶授副使如授
冊儀奉寶官及副使皆出笏退復位樂作正副使四
拜興樂止引禮引正使隨冊副使隨寶掌節者前導
舉案者次之初行樂作出奉天門樂止侍儀奏禮畢
駕興樂作還宮樂止文武官以次出冊寶既出掌節
者加節衣奉冊寶官皆搢笏取冊寶置龍亭內儀仗

未幾導以行徑中宮門外樂作皇后具九龍四鳳冠服褱衣出闕至殿上南向立樂止正副使于龍亭內取冊寶權置于門外所設案上引禮引正副使及內使監令俱就位正使詣內使監令前稱冊禮使臣某使副臣某奉制授皇后冊寶退復位內使監令入詣皇后前躬言訖出復位引禮引內外命婦入就位正使取冊授內使監令內使監令跪受以授奉冊內官正使退復位副使取寶授內使監令內使監令跪受以授奉寶內官副使退復位內使監令率奉冊奉寶內官各奉冊寶入詣皇后受冊位前以冊寶各置于

紫尚儀引皇后降詣庭中受冊位立內使監令率奉冊奉寶內官取冊寶次立于皇后之東西向內使監令稱有制尚儀奏拜皇后拜樂作四拜興樂止內使監令宣制訖奉冊內官以冊授讀冊內官跪讀訖以授內使監令內使監令跪以冊授皇后皇后跪受訖以授司言奉寶內官以寶授讀寶內官跪讀訖以授內使監令內使監令跪以寶授皇后皇后跪受訖以授司寶尚儀奏拜皇后拜樂作四拜興樂止內使監令出詣正副使前稱皇后受冊禮畢正副使退詣奉天殿橫街南北面西上立給事中立于正副使東

北西向正副使再拜後命曰奉制冊命皇后禮畢又再拜平身給事中奏聞乃退皇后既受冊寶陞座引禮引內命婦班首一人詣殿中賀位跪致詞曰茲遇皇后殿下膺受冊寶正位中宮妾等不勝歡慶謹奉賀賀訖贊拜樂作再拜興樂止退復位引禮又引外命婦班首一人入就殿上賀位如內命婦儀禮畢內外命婦出皇后降座樂作還閣樂止次日百官上表箋稱賀皇帝御殿受賀如常儀遂卜日行謁廟禮皇后將謁太廟皇帝先遣官用牲牢行事告以皇后將祇見之意如時享儀前期皇后齋三日內外命婦及

執事官齋一日設皇后拜位于廟門外及廟中設內
命婦陪祀位于廟庭南設外命婦陪祀位于內命婦
之南司贊位皇后拜位之東西司賓位內命婦之北
東西向司香位香案右陳盥洗手階東司盥洗手位
于其所其日清晨宿衛陳兵衛樂工備樂尚儀備儀
仗及重翟車于中宮外門之外陪祀內外命婦各具
翟衣集于中宮內門之外內使監官奏中嚴皇后具九
龍四鳳冠服褙衣尚儀奏外辦皇后出內宮門陞輿
至外門之外降輿陞車宿衛兵仗前導鼓吹設而不
鳴次尚儀陳儀衛次外命婦次內命婦皆乘車前導

次皇后重翟車內使監扈從宿衛復陳兵仗于後皇
后至廟門司賓引內外命婦先入侍立皇后降車司
贊導自左門入就位北向立命婦各就位北向立司
贊奏拜司賓贊拜皇后及命婦皆再拜興司贊請詣
盥洗位皇后盥手悅手訖由東階陞至神位前北向
立司贊奏上香者三司香捧香于右皇后三上訖導
復位司贊奏拜司賓贊拜皇后及命婦皆再拜興司
贊奏禮畢皇后出自廟之左門內外命婦以次出皇
后陞車內外命婦前導如來儀過廟鼓吹振作皇后
入宮是日皇帝會群臣于謹身殿皇后會內外命婦

于中宮皆如正旦宴會之儀凡冊后節其制朱漆杠
金龍首上施圓盤垂旒纓八層金銅鈴韜以黃羅繡
龍袋冊用金版二每版依周尺長一尺二寸濶五寸
厚二分五釐鐫冊文于其上版側上下有竅以紅條
聯貫開闔如書帙背各以紅錦嵌護盃飾渾金漉粉
蟠龍寶亦以金龜紐朱綬依周尺方五寸九分厚一
寸七分篆曰皇后之寶永樂初重定冊后儀是日皇
帝具皮弁服御華蓋殿翰林院官以詔書用寶訖然
後御奉天殿傳制禮畢翰林官以詔書授禮部官禮
部官奉詔書于承天門開讀皇后受冊畢內官先具

謁告儀物翰林院官與謁告文皇帝率皇后具服詣
奉先殿謁告如常儀謁告畢皇后具服于內殿俟皇
帝陞座贊引女官導詣皇帝前就拜位行謝恩禮樂
作八拜興樂止贊禮畢還官受賀餘皆如上儀嘉靖
卅三年冊德嬪方氏爲皇后禮臣具儀注有謁告內
殿儀無謁告太廟世廟之禮帝命會翰林院議于是
禮官以謁告太廟世廟儀上先期皇帝及皇后妃
皆齋三日所司陳設如時祫儀至日皇帝御輅皇后
妃御翟車同詣太廟命官奉七廟主陞神座訖皇帝
奉太祖高皇帝主皇后奉孝慈高皇后主出陞神座

迎神止香奠帛裸獻樂作止皆如儀次詣世廟行禮
同止儀凡冊妃銀冊金印印文曰皇妃之印皇帝本
御殿承制官宣制曰妃某氏時封某妃命卿等持節
行禮餘並如中官儀永樂七年續定冊妃禮皇帝具
皮弁服御華蓋殿傳制宣德元年冊孫貴妃始用寶
非洪武之舊矣嘉靖十年二月帝諭大學士張璁曰
朕奉皇太后慈訓于淑女中擇九人以充九嬪其命
禮官具儀以聞于是禮部尚書李時等上儀注先日
所司陳設儀仗如朔望儀至期皇帝具袞冕服告太
廟垂廟訖易皮弁服御華蓋殿文武百官具紅錦繡

服入班行叩頭禮正副使其公服承制舉節冊至九
嬪宮九嬪出迎于宮門外隨至拜位女官宣冊九嬪
降冊先後八拜送節出宮門復命九嬪隨具服候皇
后率詣奉先殿謁告及詣皇帝皇后前謝恩具如冊
妃禮惟主用次玉敕文銀冊少殺于皇妃五分之一
冊皇太子及皇太子妃儀冊命皇太子禮漢明帝時
始見于史其制皇帝臨軒皇太子當御座受冊置北
齊以降兼有遣使冊命之儀蓋以年之長幼而異其
制焉明洪永時俱臨軒冊授宣德後則命使持節至
吏華殿授皇太子而年之最幼者保姆奉皇太子行

事冊寶皆以金周廣厚薄視中宮寶篆文曰皇太子
寶凡冊皇太子先三日齋戒違宮祭告天地宗廟行
一獻禮至日所司陳設如常儀皇太子具冕服俟于
文樓下皇帝服衮冕御華蓋殿翰林院奉詔用寶訖
樂作御奉天殿樂止百官朝服行禮引禮導皇太子
由東階陞至丹陛就位持節等官各就丹墀拜位樂
作四拜興樂止承制官由殿中門出立于門外曰有
制皇太子跪承制官宣制曰冊長子某爲皇太子宣
畢皇太子俯伏興樂作再拜興樂止引禮導皇太子
由殿東門入樂作內贊接引至御座前樂止內贊贊

跪贊宣冊宣訖贊搢圭贊授冊皇太子搢圭跪受冊
以授內侍後贊授寶如授冊儀贊出圭皇太子出圭
俯伏興由殿東門出執事官舉節冊寶隨出皇太子
復位樂作四拜興樂止由東階降樂作至奉天門樂
止鼓樂儀仗迎冊寶至文華殿持節官持節復命禮
部官奉詔書赴午門閱讀特儀奏禮畢鳴鞭駕興樂
作還宮樂止皇太子受冊寶畢具冕服儀仗導引詣
太廟謁告如儀隨詣左順門以俟皇帝具皮弁服御
奉天殿引禮導皇太子至御前謝恩樂作八拜興樂
止駕興皇太子詣內殿丹陛上候皇后陞座行八拜

禮還宮先是鴻臚寺設親王世子郡王拜位于文華殿陞上候皇太子陞座升禮導親王以下由東陞陞就拜位四拜跪鴻臚寺官詣殿門外正中跪致詞曰某王某等茲遇皇太子殿下榮膺冊命禮當慶賀致詞訖親王以下皆俯伏興四拜皇太子駕興以次出是日皇太子又詣武英殿見諸叔行家人禮四拜諸叔西向坐受見諸兄行家人禮二拜諸兄西向立受次日文武百官進表箋慶賀如常儀宣德二年十二月冊東宮以皇太子尚幼乃命正副使持節冊寶至文華門皇太子出迎內官宣冊寶皇太子跪受以授

內侍正副使復命如儀嘉靖十八年二月冊東宮保
姆奉皇太子迎冊寶于文華殿門詣皇帝前謝恩皇
后貴妃代皇太子八拜詣皇后前貴妃代皇太子八
拜詣貴妃前保姆代皇太子四拜餘如常儀其皇太
子妃受冊與皇太子同至日傳制節冊將至內殿皇
太子妃降自東階迎節冊置于案贊就拜位贊跪皇
太子妃跪贊宣冊女官跪取冊立宣于皇太子妃之
東宣畢贊授冊贊搢圭女官以冊授皇太子妃皇太
子妃搢圭受冊訖以授女官女官跪受捧立于西贊
出圭與四拜禮畢內官持節出皇太子妃送至殿外

正副使持節復命是日皇太子妃具禮服詣奉先殿
及几筵行謁告禮隨詣宮門係皇帝皇后陞座入就
拜位謝恩行八拜禮又詣各宮皇妃前行四拜禮還
宮詣皇太子前亦四拜禮畢陞座王妃公主郡主及
外命婦于丹墀內拜賀如儀

冊親王及王妃儀漢冊親王于廟其後皇子爲王者
得分茅土立社稷唐臨軒冊命禮極詳備宋有冊命
之文皆上表辭免惟以綵輿儀仗迎官告還第元亦
降制命之不行冊禮明制冊命親王先期奏告宗廟
所司陳設具如大朝會議冊視東宮寶方五寸二分

厚一寸五分亦以金文曰某王之寶至日皇帝御奉
天殿皇太子於奉天門具冕服親王具遠遊冠絳紗
袍由奉天東門入樂作陞自東陸皇太子由殿東門
入內贊導至御前侍立位親王入至丹陛拜位樂止
贊拜樂作親王再拜興樂止承制官承制由殿中門
出立于門外曰有制親王皆跪宣制曰封皇子某爲
某王某爲某王宣畢諸王皆俯伏興承制官入奏傳
制畢贊拜樂作諸王皆再拜興樂止引禮導王由殿
東門入樂作內贊接引至御座前拜位樂止王跪贊
授冊捧冊官以冊授讀冊官讀訖以授丞相丞相授

王王攝主受以授內使內使捧冊興立于王西贊授
寶始授冊儀訖主出主俯伏興引禮導王出復位以
次引諸王入殿授冊寶皆如上儀內使以冊寶置冊
寶亭盂匣中訖贊拜樂作諸王皆四拜興樂止內使
舉冊寶亭前行親王由東階降樂作出奉天東門樂
止禮部尚書請詔書用寶赴午門閱讀如常儀禮畢
皇帝興樂作還宮皇太子出樂止其年幼之王則遣
官齎冊寶授之丞相承制至王所東北立西南向宣
制最幼者行保抱之禮是日親王朝謝皇后太子與
東宮受冊朝謝同文武官詣親王稱賀行四拜禮丞

相至殿上跪致詞曰某官某等茲遇親王殿下榮膺冊寶封建禮成無任欣忭之至賀畢丞相及文武官復四拜以次出次日皇太子冕服於奉天殿朝賀皇帝太子致詞曰長子某茲遇諸弟某等受封建國謹詣父皇陛下稱賀賀中宮致詞曰謹詣母后殿下稱賀百官進表箋賀皇帝及中宮東宮具如東宮受冊儀內外命婦賀中宮致詞曰妾某氏等茲遇親王受封建國恭詣皇后殿下稱賀是日百官及諸命婦各賜宴擇日諸王謁太廟成化末年就各王府冊立之罷臨軒之禮而諸王當襲封者俱于歲終遣官冊封

嘉靖中改于孟夏著爲令冊皇妃與冊太子妃儀同冊公主儀公主自漢以降皆用對邑唐始行冊拜禮宋因之明臨軒遣使行冊禮于其宮其制銀冊金印周廣厚薄視親王妃印文曰某國公主之印凡冊公主前期所司陳設如儀至日皇帝服通天冠絳紗袍御奉天殿禮部官以冊印置于案正副使官詣拜位樂作四拜興樂止承制官宣制曰冊皇女某爲某國公主命卿等持節展禮正副使俯伏興餘如冊后妃儀訖正副使詣奉天殿前再拜復命曰奉命冊命某公主禮畢又再拜興給事中奏聞乃退是日公主詣

皇帝及皇后前謝恩次見皇妃皇太子及皇太子妃
諸王及諸王妃具如儀次日詣奉先殿謁告凡皇姑
曰大長公主皇姊妹曰長公主皇女曰公主親王女
曰郡主郡王女曰縣主孫女曰郡主魯孫女曰縣君
元孫女曰鄉君郡主以下受誥封不冊命

皇帝加元服儀古者冠必於廟天子四加魏以後始
冠于正殿又以天子至尊禮唯一加歷代因之明筮
日奏告醴醢諸儀大抵與前代同其制前期太史院
卜日工部製冕服翰林院撰祝文祝辭禮部具儀注
中書省承制命某官攝太師某官攝太尉既卜日遣

官奏告天地宗廟行一獻禮前一日內使監令陳御
冠席于奉天殿正中其南設冕服案及香案寶案侍
儀司設太師太尉起居位于文樓南西向設拜位于
丹墀內道設侍立位于殿上御席西東向設盥洗位
于丹陛西其餘文武百官及諸執事位次陳設如大
朝儀是日質明鼓三嚴文武官入皇帝服空頂幘雙
童髻雙玉導絳紗袍御輿以出侍衛導從警蹕奏樂
如儀皇帝陞座捲簾鳴鞭報時雞唱訖通班贊各供
事太師太尉先入就拜位百官皆入贊拜樂作四拜
興樂止引禮導太師先詣盥洗位搯笏盥悅訖出笏

由西陞陞內贊接引至御席西東向立引禮復導太尉詣盥洗位盥悅訖入立于太師南侍儀跪奏請加元服太尉詣皇帝前少右跪搢笏空頂幘以授內使內使跪受幘興置于箱太尉進擲設纓畢出笏興退立于西太師詣御前北向立內使監令就案取冕立于左太師祝曰令月吉日始加元服壽考維祺以介景福內使監令捧冕跪授太師太師搢笏跪受冕加冠加簪纓訖出笏興退立于西內使監令徹櫛纓箱御用監令跪奏請皇帝著衮服皇帝興著衮服訖侍儀跪奏請就御座內贊贊進醴樂作太師進御前

北面立光祿卿奉酒進授太師太師搢笏受酒至御
前北面祝曰甘醴惟厚嘉薦令芳承天之休壽考不
怠祝訖跪授內使內使跪受酒捧進御前皇帝受酒
祭少許啐酒訖以虛盞授內使樂止內使受盞降授
太師太師受盞興以授光祿卿光祿卿受盞退太師
出笏退復位內贊導太師太尉出殿西門樂作降自
西階引禮接引至丹墀拜位樂止贊拜樂作太師太
尉及文武官皆四拜興樂止搢笏三舞蹈山呼出笏
俯伏興樂作復四拜樂止侍儀奏禮畢皇帝興鳴鞭
樂作警蹕侍從導入宮樂止百官以次出皇帝改服

通天冠絳紗袍入宮拜謁太后如正旦儀擇日謁太廟與時祭同明日百官公服稱賀賜宴謹身殿萬曆三年正月帝擇日長髮命禮部具儀以聞大學士張居正等奏言禮重冠婚皇上前在東宮已行冠禮上公掌冠輔臣陪列三加稱尊執爵而酌鉅禮既成可略其細臣等以爲不必令部臣擬議第先期詣奉先殿弘孝殿神霄殿以長髮告是日皇上長髮禮畢詣兩宮皇太后行五拜三叩頭禮隨御乾清宮受賀帝是之著爲令

皇太子皇子冠禮禮曰冠于阼以著代也醺于客位

三加彌尊加有成也已冠而字之成人之道也雖天子之元子猶士也故其禮自周禮今未之有改明皇太子加元服參用周文王成王冠禮之年近則十二遠則十五嘉靖二十四年穆宗在東宮十歲而冠太學士嚴嵩尚書費家初皆難之後遂阿旨行事非祖制也其儀前期太史監筮日工部製袞冕遠遊冠折上巾服翰林院撰祝文祝辭禮部具儀注中書省承制命某官爲賓某官爲贊既筮日遣官奏告天地宗廟前一日內使監令陳御座香案于奉天殿設皇太子次于殿東房賓贊次于午門外質明執事官設鼻

洗于東階設皇太子冠席于殿上東南西向設醴席于西階上南向張帷幄于東序內設褥席于帷中又張帷于序外御用監陳服于帷內東領北上袞服九章遠遊冠絳紗袍折上巾緇纒犀簪在服南櫛又在南司尊實醴于側尊加勺幕設于醴席之南設玷于尊東置二爵進饌者實饌設于尊北諸執事者各立于其所鼓三嚴文武官入皇帝服通天冠絳紗袍御與出樂作陞座樂止捲簾鳴鞭報時訖賓贊就位樂作四拜興樂止侍儀司跪承制降自東階詣賓前稱有勅賓贊及在位官皆跪宣制曰皇太子冠命卿等

行禮賓贊在位官皆俯伏興四拜文武侍從班俱就
殿內位賓贊執事官詣東階下東宮官詣皇太子
東房太常博士亦詣東房導皇太子入就冠席內侍
二人夾侍東宮官後從初行樂作即席西南向樂止
賓贊以次詣盥洗樂作播笏盥帨訖出笏樂止陞自
西階執事者奉折上巾進賓降一等受之右執項左
執前進皇太子席前北面祝畢乃跪冠樂作賓興席
南北面立贊冠者進席前北面跪正冠興立于賓後
內侍跪進服皇太子興服訖樂止賓揖皇太子復坐
賓贊降詣盥洗訖贊進前跪脫折上巾置于箱興以

授內侍執事者奉遠遊冠進賓降二等受之樂作進
冠如前儀畢贊進前北面跪簪結紘興立于賓後內
侍跪進服訖樂止賓揖皇太子復坐賓贊又降詣壘
洗訖贊進前跪脫遠遊冠置于箱興以授內侍執事
者奉衮冕進賓降三等受之樂作進冠如前儀畢贊
進前北面跪簪結紘興立于賓後內侍跪進服訖樂
止太常博士導皇太子降自東階樂作由西階陞即
醴席南向坐樂止賓詣壘洗盥悅訖贊冠者取爵盥
爵悅爵詣司尊所酌醴授賓賓受爵跪進于皇太子
席前北向祝畢皇太子搢圭跪受爵樂作飲訖奠爵

執主進饌者奉饌于前皇太子措主食訖執主興樂止執事官徹爵與饌太常博士導皇太子降自西階至殿東房易朝服詣丹墀拜位北向東宮官屬各復拜位皇太子初行樂作至位樂止賓贊諸皇太子位稍東西向賓少進字之辭曰奉勅字某皇太子再拜跪聽宣勅復再拜興進御前跪奏曰臣不敏敢不祇承奏畢復位侍立官並降殿復拜位四拜禮畢皇帝興樂作還宮樂止內給事導皇太子入內殿見皇后如正旦儀百官以次出明日謁廟如時享禮又明日百官朝服詣奉天殿稱賀退易公服詣東宮稱賀錫

宴成化十四年三月續定皇太子冠禮先日錦衣衛設幕次于文華殿東序鴻臚寺設節案香案冠席醴席光祿寺設盥洗司尊所教坊司設樂內侍設几案褥褥張帷幄陳袍服皮弁服衮服圭帶舄翼善冠皮弁九旒冕具如儀質明皇帝御奉天殿傳制遣官持節行禮皇太子迎節于文華殿門外持節官捧節入置于案退禮部官導皇太子詣香案前樂作四拜樂止詣冠席樂作內侍二人夾侍皇太子即席西南向坐樂止行初加冠禮賓贊以次詣盥洗所搢笏顰悅訖出笏陞自東階內侍奉翼善冠進賓降一等受之

詣皇太子席前北面立祝曰吉月令辰乃加元服懋
敬是承永介景福樂作賓跪進冠興樂止禮部官啟
易服皇太子入帷幄易袍服出禮部官啟復坐行再
加冠禮賓贊盥洗樂作如初內侍奉皮弁進賓降二
等受之祝辭曰冠禮中舉以成令德敬慎威儀惟民
之式冠畢入帷幄易皮弁服易出禮部官啟復坐行
三加冠禮如再儀內侍奉冕旒進賓降三等受之祝
辭曰章服咸加飭敬有虔永固皇圖于千萬年冠畢
入帷幄易衮服出禮部官啟復坐行醺醴皇太子詣
醴席樂作降自東階由西階陞即醴席南向坐樂止

光祿寺官舉醴案樂作賓贊詣盥洗所盥帨訖陞西
階贊取爵詣司尊所酌醴授賓賓執爵詣席前立樂
止賓祝曰旨酒孔馨加薦再芳受天之福萬世其昌
賓跪進爵皇太子搢圭受爵置于案教坊司作樂奏
千春之曲次啟進酒皇太子舉爵飲訖奠爵于案樂
止光祿寺官進饌樂作至案樂止饌訖出圭徹案賓
贊復位鳴贊贊受勅戒皇太子降自西階樂作由東
階陞至拜位樂止宣勅戒官詣皇太子稍東西向立
曰有制皇太子跪宣勅戒曰孝事君親友于兄弟親

賢受民居仁由義毋怠毋驕茂隆萬世宣畢皇太子
俯伏興樂作四拜樂止禮畢持節官捧節出樂作皇
太子送節至殿門外還東序內將導還宮樂止賓贊
宣勅戒等官持節復命是日皇太子請皇太后皇帝
皇后前謝俱行五拜三叩頭禮用樂明日皇帝及皇
太子受群臣賀如儀皇子冠禮初加進綢巾祝辭曰
茲惟吉日冠以成人克敦孝友福祿來臻再加進翼
善冠祝辭曰冠禮斯舉實由成德敬慎威儀維民之
則三加進衮冕祝辭曰冠至三加命服用章敬神事
上永固藩邦酌醴祝曰旨酒嘉薦載芬載芳受茲景
福百世其昌勅戒辭曰孝于君親友于兄弟親賢愛

民率由禮義毋溢毋驕永保富貴其餘陳設執事及傳制謁謝並如皇太子儀初皇子冠之明日百官稱賀畢詣王府行禮成化二十三年五月皇子冠之次日各詣奉天門東廡序坐百官常服四拜萬曆二十九年十一月禮部尚書馮琦言舊制皇太子冠設冠席醴席于文華殿內今文華殿爲皇上臨御遣官之地則皇太子冠醴席應移于殿之東序又親王冠舊設席于皇極門之東廡今皇太子移席于殿東序則親王應移于殿西序從之

品官冠禮古者男子二十而冠大夫五十而後爵故

無大夫冠禮唐制三加一品之子以衮冕以連九品
之子以爵弁蓋皆品官之子也蓋皆倣士禮而增益
之明制始加緇布冠再加進賢冠三加爵弁其儀前
期擇日主者告于家廟北面再拜曰某之子某年漸
長將以某月日加冠于其首謹以告乃筮賓主者再
拜告曰卜以某甲子吉冠某連某賓加冠庶幾臨之
謹告前二日主者戒賓及贊冠者主者至賓大門外
掌次者引之次僎者受主者之命入告賓曰某之子
某將加冠願吾子教之賓曰某不敏恐不能供事以
辱吾子敢辭主者曰某猶願吾子教之賓曰吾子重

有命其敢不從主者入再拜賓荅拜主者還賓拜送
主者戒贊冠者亦如之明日設次于大門外之右南
向至日夙興設洗于阼階東南東西當東甬六品以
下當東榮南北以堂深壘水在洗東加勺梲篚在洗
西南肆實巾一于篚加梲設席于東房內西牖下陳
服于席東領北上莞筵四加藻席四在南側尊甒醴
在服北加勺梲設站在尊北饌陳于站北設洗于東
房近北壘水在洗西篚在洗東北肆實以巾贊明賓
贊至大門外掌次者引之次賓贊公服諸行事者各
服其服執尊壘篚者皆就位冠各一笥各一人執之

待于西階之西東面北上設主席于阼階上西面設
賓席于西階東面冠者席于~~主~~東北西面主者公
服立于阼階下當東序西面諸親公服立于嚳洗東
南西面北上尊者在別室儼者公服立于門內道東
北面冠者雙童髻空頂幘雙玉導金寶飾綵袴褶錦
紳烏皮履立于房中南面六品以下導不以玉主者
贊冠者公服立于房內戶東西面賓及賓之贊冠者
出次立于門西東面北上儼者進受命出立門東西
面曰敢請事實曰某子有嘉禮命某執事儼者入~~若~~
主者迎賓于大門外之東西面再拜賓荅拜主者揖

贊冠者贊冠者報揖又揖賓賓報揖主者入賓贊次
入及內門至階主者請陞賓曰某備將事敢辭主者
固請賓固辭主者終請賓三辭主者陞自阼階立于
席東西向賓陞自西階立于席西東向賓之贊冠者
及庭盥于洗陞自西階入于東房立于主者之南西
向主者贊冠者導冠者立于房外之西南面賓之贊
冠者取纓拂簪跪奠于冠者筵南端退立于席北少
東西面賓揖冠者冠者進升席西向坐賓之贊冠者
進筵前東面跪脫雙屣髻拂髻纓纓興復位立賓降
至壘洗盥訖詣西階主者立于席後西面賓立于西

階上東面執緇布冠者升賓降一等受之右執項衣
執前進冠者筵前東向立祝如冬月吉日始加元服
棄爾幼志慎爾成德壽考維祺介爾景福祝畢跪冠
興復位賓之贊冠者進筵前東面跪結纓興復位冠
者興賓揖之適房賓主皆坐冠者衣青衣素裳出戶
西南而立賓主俱興賓揖冠者冠者進升席西向坐
賓之贊冠者跪脫緇布冠設纓賓進進賢冠如初加
禮祝曰吉月令辰乃申爾服恭爾威儀淑慎爾德眉
壽永年享受遐福祝畢跪冠興復位賓之贊冠者跪
設簪結纓興復位冠者適房易絳紗服出升席賓之

贊冠者跪脫進賢冠設纓賓進爵弁如再加禮祝曰
以歲之正以月之令咸加爾服兄弟具在以成厥德
黃耆無疆受天之慶祝畢賓之贊冠者設簪結纓如
前冠者適房著爵弁之服出贊冠者徹纓櫛又設筵
于室戶西南向主者贊冠者盥手洗解于房酌醴出
南面立賓揖冠者冠者就筵西南面立賓受醴進冠
者筵前北面立祝曰甘醴維厚嘉薦令芳拜受祭之
以定爾祥承天之休壽考不忘祝畢冠者拜受解賓
復西階上荅拜執饌者薦饌于筵冠者左執解右執
脯祭于籩豆之間贊冠者取肺一以授冠者冠者奠

解于薦西以祭冠者坐取解祭醴奠解再拜賓各拜
冠者執解興賓主俱坐冠者~~因是~~跪奠解于薦東興
進北面跪取脯降自西階入見毋進奠脯于席前退
再拜出毋不在則使人受脯于西階下初冠者入見
毋賓主俱興賓降當西序東面立主者降當東序西
面立冠者出立于西階東南面賓少進字之曰禮儀
既備令月吉日昭告爾字爰字孔嘉髦士攸宜宜之
于假永受保之曰伯某甫冠者再拜跪曰某不敏夙
夜祇奉賓出主者送于內門外主者西向請曰吾子
辱執事請禮從者賓曰某得將事敢辭主者固請賓

曰某既不得命敢不從賓就次主者入初賓出冠者
東面見諸親諸親拜之冠者答拜冠者西面拜贊冠
者贊冠者答拜見諸尊于別室亦如之賓主既釋服
醴席一獻訖賓興衆賓出次立于門東西面主者出
揖賓賓報揖主者先入賓及衆賓從之至階賓立于
西階上主者立于東階上衆賓立于西階下主者授
幣篚于賓賓受之又以幣篚授賓之贊冠者贊冠者
受之俱復位主者還阼階上北面拜送賓贊降自西
階主者送賓于大門外之東西面再拜主者入禮畢
孤子則諸父諸兄戒賓冠之日主人紆而迎賓冠于

阼階下其儀亦如之明日見廟冠者朝服入廟南門
中庭道西北面再拜出

士庶人冠禮古冠禮之存者惟士冠禮後世皆推而
用之明洪武初詔定冠禮下及于庶人纖悉具備然
自品官而降鮮有能行之者載之禮官備故事而已
凡士庶人冠筮日筮賓戒賓俱如品官儀是日夙興
張帷爲房于廳事東設盥于阼階下東南陳服于房
中西牖下席二在南酒在服北次幘頭帽巾盛以盤
三人捧之立于堂下西階之西南向主人立于阼階
下諸親立于盥東賓者立于門外以俟賓冠者雙紒

勒帛素履待于房賓至主人出迎揖而入升階就坐
冠者出自房執事者請行事賓之贊者取櫛總篋幪
頭置于席南端賓揖冠者冠者即席西向坐贊者爲
之櫛合紒施總加幪頭賓降主亦降立于阼階下賓
盥主人揖讓升自西階復位執事者進巾賓降一等
受之詣席前東向祝凡祝詞皆同品官祝訖跪着巾
興復位冠者興賓揖之入房易服深衣大帶出就冠
席賓盥如初執事者進帽賓降二等受之進祝跪冠
訖興復位揖冠者入房易服襦衫腰帶出就冠席賓
盥如初執事者進幪頭賓降三等受之進祝跪冠訖

典復位揖冠者入房改服公服出執事者徹冠席設醴席于西階南向贊者酌醴出房立于冠者之南賓揖冠者即醴席西向立賓受醴請席前北面祝冠者拜受賓荅拜執事者薦饌冠者即席坐飲食訖再拜賓荅拜冠者離席立于西階之東南向賓字之如品官辭冠者拜賓荅拜冠者拜父母父母爲之起拜諸父之尊者遂出見鄉先生及父之執友先生執友皆荅拜賓退主人請禮賓賓辭固請乃入就坐設酒饌宴罷賓退主人酬賓及贊者侑以幣主人以冠者見于祠堂再拜出

天子納后儀婚禮六曰納采曰問名曰納吉曰納徵
曰請期曰親迎天子無親迎禮漢晉以來皆遣使持
節奉迎其他禮物儀注各以時損益明初止具儀多
沿唐典歷成仁宣俱以潛邸行禮正統中英宗納后
始定大婚儀注凡納采問名前期擇日遣官告天地
宗廟至期設御座制案節案鹵簿綵輿中和大樂如
儀禮部陳雁及禮物于丹陛上及文樓下贊明鼓三
嚴皇帝冕服陞座文武官朝服叩頭訖各就位執事
引正副使朝服四拜傳制官奏傳制執事舉制案節
案由中門出禮物隨之傳制官宣制曰茲選某官某

女爲皇后命卿等持節行納采問名禮正副使又四
拜駕輿舉制節案由奉天門中門出正副使以制書
置綵輿中儀仗大樂前導出大明門正副使設朝服
乘馬行詣皇后第行禮皇后第前一日設正副使幕
次于大門外左南向設香案于正堂設制節案于南
別設案于北其日正副使至天門外儀仗大樂分列
置綵輿于中引禮導正副使入幕次執事官陳鴈及
禮物于堂中正副使出幕次奉制書于案禮官先入
立于東主婚者朝服出立于西禮官曰奉制建后遣
使行納采問名禮主婚者出迎引禮導正副使捧制

書及節先行主婚者隨至堂置制書及節于案正使
立案左副使立案右引禮導主婚者就拜位行四拜
禮詣案跪正使取納采制宣曰朕承天序欽紹鴻圖
經國之道正家爲本夫婦之倫乾坤之義實以相宗
祀之敬協奉養之誠所資惟重祇尊聖祖母太皇太
后聖母皇太后命遣使持節以禮采擇宣訖授主婚
者主婚者授執事者置于案左副使取問名制宣曰
朕惟夫婦之道大倫之本正位乎內必資名家特遣
使持節以禮問名尚俾來問宣訖授主婚者如前置
案右主婚者俯伏興執事者舉表案以表授主婚者

主婚者跪受正使表曰臣某伏承嘉命正使某官某
等重宣制詔問臣名孰臣女臣夫婦所生先臣某官
某之曾孫先臣某官某之孫先臣某官某之外孫臣
女今年若干謹具奏聞主婚者俯伏興退四拜禮畢
正副使出置表綵與中主婚者前曰請禮從者正副
使入酒饌畢主婚者奉幣以勞正副使正副使出主
婚者送至大門外正副使隨綵輿入大明門左朝至
奉天門外以表節授司禮監奏聞復命次納吉納徵
告期傳制遣使並如納采問名儀惟納徵用元纁來
帛六馬穀圭不奠鴈制詞曰茲聘某官某女爲皇后

命卿等持節行納吉。納徵。告期。禮。皇后第前一日陳設如儀。其日正副使至。以制書玉帛置膝上。陳六馬于堂下。執事先設。皇后冠服諸物于堂中。禮官入主婚者出見。禮官曰奉制聘皇后。遣使行納吉。納徵。告期。禮主婚者出迎。執事舉玉帛。案正使捧納吉。納徵制書。副使捧告期制書。執節者捧節。以次入。各置于案。正副使於案左右相向立。主婚者就拜位。行四拜禮。詣案前。跪。正使取制書宣曰。大婚之卜。龜筮師士。協從敬脩禮典。遣使持節告吉。又宣曰。卿女有貞靜之德。稱母儀之選。宜共承天地宗廟。特遣使持節以

禮納徵宣訖授主婚者主婚者受制以授執事者正副使捧圭及元纁授主婚者主婚者以授執事者執事者俱跪受置于北案副使取制書宣曰歲令月良吉日某甲子大婚惟宜特遣使持節以禮告期宣訖授主婚者如前儀主婚者俯伏興四拜正副使持節出主婚者請禮從者及捧幣勞正副使正副使還復命如初次發冊奉迎前期所司陳設如儀禮部揀鴈及禮物于丹陛上內官監陳皇后鹵簿車輅于奉天門外其傳制遣使並如納采問名儀制詞曰茲冊某官某女爲皇后命卿等持節奉冊寶行奉迎禮正副

使以冊寶置綵輿中隨詣皇后第至門取制書冊寶
置案上禮官先入主婚者朝服出見禮官曰奉冊冊
后遣使持節奉冊寶行奉迎禮主婚者出迎執事者
舉案前行正副使捧制書及節執事者以鴈及禮物
從之至堂中各置于案正副使立于案之左右主婚
者四拜退立于西南女官以九龍四鳳冠褱衣進皇
后內官陳儀仗于中堂前設女樂于堂下作止如常
儀正副使以節冊寶授司禮監官內贊導入中堂皇
后具服出閣女官宮人擁詣香案前向闕立四拜贊
宣冊皇后跪宣冊官宣訖以授皇后皇后搢圭受冊

以授女官女官跪受立于西贊宣寶如宣冊儀皇后
出主與四拜禮畢皇后入閣持節司禮監官由中門
出授正副使報受冊寶禮畢引禮導主婚者詣案前
跪正使取奉迎制宣訖授主婚者主婚者授執事者
副使進鴈及禮物主婚者受之以授執事者皆置手
案主婚者與正副使四拜出主婚者請禮從者及致
幣如前儀女官奏請皇后出閣自東階下車香案前
四拜陞堂南向立主婚者進立于東西向曰戒之敬
之夙夜無違退立于東階母進立于西東向施衿結
帨曰勉之敬之夙夜無違退立于西階內執事請乘

與皇后降階升輿導從出儀仗大樂前行次絲輿正副使隨次司禮監官擁導從大明門中門入外武百官朝服于承天門外班迎候輿入乃退皇后輿輅至午門外鳴鐘鼓鹵簿止正副使以節授司禮監皆復命捧冊寶官捧冊寶儀仗女樂前導宮人擁輿後進奉天門至內庭幕次司禮監官以冊寶授女官皇后出輿由西階進皇帝由東階降迎于庭揖皇后入內殿皇帝詣更服處具袞冕皇后詣更服處更禮衣同詣奉先殿行禮如常儀祭畢還宮合卺是日內官先于中宮殿內設皇帝座于東皇后座于西相向置四

金爵兩盞于酒案謁廟還帝后各就更服處帝服皮弁陞內殿后更衣從陞各陞座執事者舉饌案于前司尊女官取金爵酌酒以進飲訖進饌復進酒進飯訖女官以盞酌酒和合以進飲訖又進饌畢帝同后與易常服皇帝從者餽皇后之饌皇后從者餽皇后之饌次日早帝與后禮服詣太皇太后候太皇太后陞座帝后進座前宮人以服脩盤立于皇后左帝與后皆四拜執事舉案至太皇太后前宮人以服脩盤授皇后皇后捧置于案女官舉案皇后隨至太皇太后前進訖復位帝后皆四拜禮畢詣皇太后宮亦如

之三日卑帝冕服后禮服同詣兩宮前行八拜禮還
宮皇帝服皮弁服陞座女官導皇后展衣詣上前行
八拜禮皇后還宮陞座引禮導在內親屬及六尚等
女官行八拜禮次各監局內官內使行八拜禮是日
皇帝御奉天殿頒詔布告中外行禮如常儀四日早
皇帝服衮冕御華蓋殿親王詣拜位行八拜禮次執
事官行五拜禮鴻臚寺奏請陞奉天殿百官進表行
慶賀禮如常儀是日兩宮及皇后各具禮服陞座親
王入行八拜禮出次內外命婦慶賀及外命婦進表
箋如常儀五日行盥饋禮是日清晨尚膳監具膳脩

皇后服禮服詣太皇太后前四拜尚食以膳授皇后
皇后捧膳進于案復拉四拜退立于西南俟膳畢引
出詣皇太后前進膳如前儀

皇太子婚禮皇太子納妃歷代之制與納后同隋唐
以後皇太子始親迎天子臨軒醮戒宋始行盥饋之
禮明因之其制納采問名納吉納徵告期發冊皆遣
使持節行禮如皇帝大婚儀納采問名制曰奉制納
某氏爲皇太子妃命卿等行納采問名禮至妃第儼
者出詣使者前曰敢請事使者曰儲宮納配屬于令
德邦有典常使其行采擇之禮儼者入告主婚者曰

臣某之女昧于壺儀不足以備采擇恭承制命臣某不敢辭儻者出告使者入陳禮奠鴈如儀宣制曰某奉詔納采禮畢使者出儻者復出詣使者前曰敢請事使者曰儲宮之配采擇既諧將加卜筮奉制問名儻者入告主婚者曰制以臣某之女可以奉侍儲宮臣某不敢辭儻者出告使者復入陳禮奠鴈如儀宣制曰臣某奉詔問名將謀諸卜筮主婚者曰臣某第幾女某氏出次納吉儻者請事如前使者曰謀諸卜筮其占協從制使某告吉儻者入告主婚者曰臣某之女蠢愚懼弗克堪卜筮云吉惟臣之幸臣謹奉典

制儼者出告使者入陳禮奠鴈如儀宣制曰奉制告
吉又次納徵儼者請事如前使者曰卜筮不違嘉偶
既定制使某以儀物告成儼者入告主婚者曰奉制
賜臣以重禮臣某謹奉典制儼者出告使者入陳玉
帛禮物不奠鴈宣制曰某奉制告成又次請期辭曰
詢于龜筮某月某日吉制使某告期主婚者曰敢不
承命陳禮奠鴈如儀又次告廟遣使持節授冊寶儀
注悉見前又次醮戒皇帝服通天冠絳紗袍御奉天
殿文武官侍立引進導皇太子由東陞陟至丹陛拜
位四拜由殿東門入就席位東向立司爵內使斟酒

以醢進皇太子跪播圭受醢祭酒少許以醢授內使
司饌內使以饌進皇太子跪受饌以饌授內使興就
席坐飲食訖導詣御座前跪皇帝命之曰往迎爾相
承我宗事勗帥以敬皇太子曰臣某謹奉制旨俯伏
興由東門出至丹陛四拜畢皇帝還宮皇太子由東
階降文武官以次出又次親迎前一日有司設皇太
子次于妃氏大門外南向東宮官次于南東西相向
設皇太子立位于大門外東西向設奠鴈位于閤門
外北向至日質明東宮官具朝服陳鹵簿鼓吹于東
宮門外皇太子冕服乘輿出侍衛導從如儀至宮門

降輿升輅東宮官以下皆從皇太子至妃第回輅南向降輅升輿侍從導至次降輿入就次東宮官皆親次先是皇太子將至主婚者設會宴女至是妃服褕翟花釵出就閤南向立傅姆立于左右主婚者具朝服立于西階之下引進導皇太子出次立于大門之東西向儼者朝服出立于門東曰敢請事引進跪啟訖皇太子曰某奉制親迎引進受命興承傳于儼者儼者入告導主婚者出迎于大門外之西東向再拜皇太子荅拜引進導皇太子入門而左執鴈者從儼者導主婚者入門而右皇太子升東階進立于閤門

戶前北向立主婚者陞西階立于西東向引進起奠
鴈執鴈者以鴈進皇太子跪搢圭受鴈以授主婚者
主婚者搢笏跪受興以授左右退立于西皇太子出
主俯伏再拜興降自東階出至次以伺主婚者不降
送初皇太子入門妃母出立于閤門外奠鴈位之西
南向皇太子拜訖宮人傅姆導妃出立于母左主婚
者進命之曰戒之戒之夙夜恪勤毋或違命母命之
曰勉之勉之爾父有訓徃承惟欽庶母申之曰恭聽
父母之言宮人傅姆擎執導從妃出乘輿出中門降
輿乘鳳輦皇太子揭簾妃出內門至輅後皇太子出

大門升輅兩簿鼓吹東宮侍從官從行如來儀至東
宮門外皇太子降輅乘輿以入侍從官從至閤皇太
子降輿入俟于內殿門外之東西面司閤導妃詣內
殿門外之西東面皇太子揖妃入行合盞禮如中宮
儀又次朝見其日妃詣內殿陛下候皇帝陞座司閤
導妃入北面立再拜自西階升宮人奉棗栗盤進至
御座前授妃妃奠于御前退復位再拜禮畢詣皇后
前奉脰脩盤如上儀又次醴妃次盥饋次謁廟次群
臣命婦朝賀皆如儀洪武元年帝覽儀注謂禮官曰
古禮親迎執綏御輪今用輦則揭簾是矣其合盞依

古制用匏鴈以玉爲之妃朝見入宮中乘小車以帷蔽之謁廟則皇太子俱往禮成後三日乃宴群臣命婦著爲令成化二十二年更定婚禮凡節冊等案俱由奉天左門出皇太子親迎由東長安門親迎日妃服燕居服隨父母詣家廟行禮奠酒讀祝畢執事者具酒饌妃飲食訖父母坐堂上妃詣前各四拜父命之曰爾往大內夙夜勤慎孝敬無違母命之曰爾父有訓爾當敬承合卺前于皇太子內殿各設拜位皇太子揖妃入就位再拜妃四拜然後各陞座合卺廟見後文武百官朝賀致詞曰某官臣某等恭惟皇太

子嘉禮既成益縣宗社隆長之福臣某等不勝欣忭
之至謹當慶賀上賜宴如正旦儀命婦詣皇太后皇
后前賀亦賜宴致詞曰皇太子嘉聘禮成益縣景福
餘並如洪武儀

親王婚禮唐制皇子納妃命親王主婚宋行禮皆皇
帝臨軒遣使親迎日亦臨軒醮戒其儀大約與皇太
子同明因之其宣制曰冊某氏爲某王妃納采致詞
曰某王之儷屬于懿淑使某行采擇禮問名詞曰某
既受命將加諸卜筮奉制問名主婚者曰制以臣某
之子可以奉侍某王臣某不敢辭納吉詞曰卜筮協

從使其告吉主婚者曰臣某之~~子~~愚弗克堪占臆之
吉臣與有幸謹承典制納徵詞曰某王之~~子~~僉卜既協
吉制使某以儀物告成主婚者曰奉制賜臣以重禮
臣某謹奉典制請期詞曰某月日涓吉制使某告期
主婚者曰謹奉命醮戒命曰往迎爾相用承厥家勗
帥以敬其親迎合巹朝見盥饋並如皇太子盥饋畢
王具皮弁服妃服翟衣詣東宮前行四拜禮東宮坐
受東宮妃立受二拜荅二拜王與妃至妃家其日內
官先以禮物往王與妃儀仗導從如常儀至妃第妃
父出迎王先入妃父從之至廳事王立于東妃父母

立于西王行四拜禮妃父母立受二拜荅二拜王中
坐其餘親屬見王四拜王皆坐受妃入中堂妃父母
坐妃四拜其餘序家人禮

公主婚禮古者天子嫁女不自主婚以同姓諸侯主
之故曰公主唐公主下嫁猶以親王主婚宋始不行
惟令掌婚者于內東門納表則天子自爲主矣明因
之凡公主出降壻家行納采問名禮先期設香案表
案及禮物于廳是日掌婚者至朝服省視訖立于香
案之東壻父及壻朝服就拜位四拜升自西階詣香
案前跪三上香以表進掌婚者掌婚者跪受興置于

案復進問名表如儀。婿父興復位。婿父及壻又四拜。
掌婚者奉表先行。執事者奉鴈及他禮物以次行。由
東華門至內東門外。掌婚者進詣內使前曰。朝恩賜
室于某官某之子某習先人之禮。使臣某請納采。掌
婚者跪。搢笏以表授內使。內使跪受表。興奉表進內。
殿執鴈及禮物者從入內。使出掌婚者曰。將加卜筮。
使臣某問名進表如初。內使出曰。有制。掌婚者跪。內
使宣制曰。皇帝第幾女封某公主。掌婚者俯伏興入。
就次。賜宴。出納吉儀與納采同。掌婚者致詞曰。加諸
卜筮。占曰從吉。謹使臣某敢告納徵。壻家具元纁玉。

帛乘馬表文如儀掌婚者致詞曰朝恩貺室于某官某之子某有先人之禮使臣某以求帛乘馬納徵請期詞曰某命臣某謹請吉日親迎日壻公服告廟曰國恩貺室于某以某日親迎敢告將行父醮于廳曰往迎爾相承我宗事勗帥以敬先妣之事若則有常婿再拜出至內東門內內使延入次執鴈及奉禮物者各陳于庭其日公主具禮服辭奉先殿詣皇帝皇后御座前四拜皇帝戒之曰戒之敬之夙夜無違命皇后戒之曰勉之敬之夙夜無違公主受命訖反四拜保姆及侍女導引公主降階內命婦以下送至內

殿門外公主陞輿侍女執織扇擁護至內東門降輿
陞輅內使引壻出次立執鴈者以鴈跪授壻壻受鴈
跪進于內使內使跪受以授左右壻俯伏興再拜先
出乘馬還第公主鹵簿車輅後發公侯百官命婦送至
府公主將至壻先候于門輅至壻揭簾公主降同詣
祠堂壻東公主西皆再拜進爵讀祝如儀又再拜出
詣寢室就拜位壻公主相向再拜各就位壻坐于東
公主坐于西進饌合盃如儀復相向再拜明日見舅
姑舅姑坐于東西向公主立于西東向行四拜禮舅
姑各兩拜宣德三年詔駙馬不務詩書通古今曉忠

孝仁義之道必至怠惰驕縱何以保富貴須使親近儒
生可擇端重者一人爲學錄命之教習正統以後駙
馬初授者皆赴監讀書祭酒以學規教之不率者奏
聞弘治二年重定公主下降儀注入府設公主駙馬
拜位同拜天地行八拜禮堂內設公主座于東西向
駙馬東向行四拜禮公主坐受兩拜荅兩拜合巹公
主正中南向坐駙馬東向坐餘如前儀嘉靖二年工
科給事中安盤等言駙馬見公主行四拜禮公主坐
受兩拜雖貴賤本殊夫婦分定于禮未安弗聽
品官婚禮周制凡公侯大夫士之婚娶皆用六禮唐

以後儀物多以官品爲降殺。明洪武五年詔曰：古之婚禮結兩姓之歡，以重人倫。近代以來，專論聘財，習染奢侈。令中書省議制頒行，務崇節儉，以厚風俗。故其時品節詳明，皆有限制。其後鮮有能遵之者矣。其制：凡品官婚娶，或爲子聘婦，皆使媒氏通書。女氏許之，擇日納采。主婚者前期設賓席，至日具祝版告廟。訖，賓至。女氏第主婚者公服出迎于大門之外，揖賓入。賓及媒氏陞自東階。主婚者陞自西階執事者，陳薦及禮物于廳。賓立于左，主婚者立于右。媒氏立于賓南。皆再拜。賓詣主人曰：某官以伉儷之重，施于某

某率循禮典謹使某納采主婚者曰某之子弗嫻姆訓既辱采擇敢不拜嘉賓西向坐主婚者東向坐執事者徹鴈及禮物收受訖復陳鴈及問名禮物于廳賓興詣主婚者曰某官慎重婚禮將加卜筮請問名主婚者進曰某第幾女某氏出或以紅羅或以銷金紙書女之第行年幾賓辭主婚者請禮從者禮畢賓降自東階主婚者送至門外納吉如納采儀賓致詞曰某官承嘉命稽諸卜筮龜策協從使某告吉主婚者曰某未教之女既以吉告其何敢辭納徵如納吉儀加元纁束帛函書不用鴈賓致詞曰某官以伉儷

之重加惠某官率循典禮有不腆之幣敢請納徵主
婚者曰某官既某以重禮某敢不拜受賓以函書授
主婚者主婚者亦荅以函書請期亦如納吉儀親迎
主婚者前期設次于大門外至日壻父告于禰廟壻
北面再拜立父命之曰躬迎嘉偶釐爾內治壻進曰
敢不奉命再拜媒氏導壻之女家其日女氏主婚者
告廟訖設宴會親戚醴女如家人禮壻至門下馬就
次女從者請女盛服就寢門內南向坐贊者引壻出
次主婚者出迎壻于大門之外揖壻入主婚者入門
而右壻入門而左執鴈者從至寢戶前北而立主婚

者立于寢戶之東西向壻再拜奠鴈出就次主婦者
不降送壻既出女父母南向坐保姆導女北向四拜
父命之曰往之女家以順爲正無忘肅恭母命之曰
必恭必戒毋違舅姑之命庶母申之曰爾忱聽于訓
言毋作父母羞保姆及侍女導從女出門升車儀衛
導前送者乘車從其後壻先還以俟婦車至門保姆
請婦下車壻出迎于門內揖婦入及寢門壻先升階
婦後升入室壻盥于室之東南婦從者執巾進水以
沃之婦盥于室之西北壻從者執巾進水以沃之盥
畢各就座壻東婦西舉食案司尊者進酒司饌者進

饌飲食訖復進酒饌如初侍女以盞注酒進于壻婦
前各飲畢皆興立于座南東西相向皆再拜壻婦入
室易服壻從者餞婦之餘婦從者餞壻之餘明日見
于宗廟設壻父拜位于東階下壻拜位于其後主婦
拜位于西階下婦拜位于其後諸親各以序分立其
日婦夙興壻父以下各就位再拜贊禮引婦詣庭中
北面立壻父升自東階詣神位前跪三上香三祭酒
讀祝興立于西婦四拜退復位壻父降自西階就拜
位壻父以下皆再拜禮畢次見舅姑其日婦盛服立
于堂下伺舅姑即座就拜位四拜保姆引婦陞自西

階至舅前侍女奉棗栗授婦婦進訖降階復四拜詣姑前進服脩如前儀次舅姑醴婦如家人禮次盥饋其日婦家備饌至壻家舅姑即座婦四拜陞自西階至舅前從者舉食案以饌授婦婦進饌執事者加匕筯進饌于姑亦如之食訖徹饌婦降階就拜位四拜禮畢舅姑再醴婦如初儀

庶人婚禮禮云婚禮下達則六禮之行無貴賤一也朱子家禮無問名納吉止納采納幣請期明制用之凡庶人娶婦男年十六女年十四以上並聽婚娶壻常服或假九品服婦服花釵大袖將納采先是媒氏

通言是日主婚者告祠堂媒氏往女家至門主婚者
迎入東西向立執事者陳鴈及禮物媒氏曰吾子有
惠脫室于某某有先入之禮使某請納采主婚者曰
某之子蠢愚又弗能教吾子命之某弗敢辭媒氏以
書授主婚者主婚者奉書以入告于祠堂出以書復
主婚者禮媒氏酒饌侑以幣媒氏復命壻家壻家亦
奉書告于祠堂次納幣請期其日媒氏奉書及禮物
至女家主婚者迎入媒氏曰某子既脩好于某某使
某請納成主婚者曰備物有加敢不重拜媒氏以書
授主婚者主婚者以書復媒氏復進曰某使某請吉

日主婚者曰某固聽命媒氏曰請以某甲子主婚者
曰敢不承命禮媒氏如初次親迎前一日女氏使人
張陳其壻之寢室俗謂之鋪房是日質明壻父告祠
堂醮戒壻至女家奠鴈主婚者告祠堂醮戒壻先還
婦至揖入東西相向立再拜合巹並如品官儀明日
見祖禰見舅姑舅姑醴婦亦並如品官儀是日壻往
見婦之父母至門婦父出迎壻入幣從之婦父陞自
西階壻陞自東階至廳東西相向四拜婦父扶壻與
壻以幣進婦父受之以授左右壻入後堂門外少俟
幣從之婦母出後堂南向立壻前楹北向立四拜婦

母荅拜堦以幣授婦母之左右堦出見婦黨如賓客相見之禮婦家設酒饌禮堦各隨其貧富無常制

皇帝視學儀禮曰凡始立學者必釋奠于先聖先師周末淪喪禮廢不興漢明帝始行辟雍魏晉以後皇帝及皇太子每通一經並使太常設奠于孔子唐以後天子視學始設講搢明制將幸國子監前期設御幄于大成門東南向設御座于彝倫堂至日百官朝退先詣國子監迎駕武官都督以上文官三品及翰林院七品以上官各具祭服陪祀駕至學官率諸生迎于成賢街左皇帝入御幄具皮弁服詣大成殿釋

奠如儀由中道出入御幄易常服升與至彝倫堂升座百官分列于堂外左右侍立學官諸生行五拜三叩頭禮退序立于堂下武官都督以上文官三品以上及翰林院學士升堂執事官各以次序立贊進講祭酒從東小門入至堂中鴻臚寺官奉經案進于御座前禮部尚書奏請授經于講官祭酒跪受經畢上諭講官坐祭酒乃以經置講案叩頭就西南隅几榻坐上復賜武官都督以上文官三品以上及翰林院學士坐皆叩頭序坐于東西諸生圍立于外以聽祭酒講畢興叩頭出司業從西小門入進講亦如之贊

宣制祭酒司業學官及諸生俱北向跪宣制曰宣聖之道萬世所宗在爾師生理當脩進臻於至極尚其勉之宣畢祭酒以下行五拜三叩頭禮以次退尚膳監進茶御前上命光祿寺賜各官茶畢各官退列掌門外叩頭序立駕興升輿出太學門升輦學官諸生列于成賢街駕至叩頭退百官吉服先詣午門外俟駕還御奉天門百官入行慶賀禮駕興還宮明日國子監祭酒率學官諸生上表謝恩皇帝具皮弁服御奉天殿行禮畢御奉天門禮官引奏賜祭酒司業學官及三氏子孫衣服諸生鈔錠駕還有頃復御奉天

門賜宴凡公侯伯駙馬武官都督以上文官三品以上及翰林院學士以下檢討以上國子監祭酒以下學錄以上三氏子孫太常光祿鴻臚寺執事等官皆與宴又明日祭酒率學官諸生謝恩上賜勅勉勵師生祭酒捧置綵輿師生迎導至太學開讀又明日祭酒以下復詣闕謝恩

鄉飲酒禮記曰鄉飲酒之禮廢則爭鬪之獄繁矣故周禮之所紀皆自士以上乃得行之而鄉飲酒之禮達于庶民自周迄今損益代殊而其禮不廢明洪武五年詔有司舉行鄉飲酒禮于是禮部奏取儀禮及

唐宋所行參定其制每歲孟春正月孟冬十月有司
典學官率士大夫之老者行之于學校民間里社則
季一行之其儀以州縣長吏爲之主以鄉之老人年
六十以上有德行者一人爲賓其次爲介又其次爲
三賓又其次爲衆賓鄉人嘗爲士大夫而致仕者或
寄居之士大夫年德可尊禮者一人爲僎以衆所推
服者一人爲司正贊禮一人及贊引者皆擇士之容
貌詳緩習禮儀者爲之讀律一人使能者前期設賓
席于堂北兩楹之間少西南面主席于阼階上西面
介席于西階上東面僎席于賓東南面三賓席于賓

西南面皆專席不屬衆賓六十以上者序于西序東
面北上賓多則又設席于西階北面東上僚佐席于
東序西面北上設衆賓五十以下者位于堂下西階
之西當序東面北上賓多則又設位于西階之南北
而東上司正及讀律者位于堂下阼階之南北面西
上主之贊者位于阼階之東西面北上設酒尊于堂
上東南隅加勺翬用葛巾設爵洗于阼階下東南簋
一于洗西實以爵解盥洗在爵洗東設卓案于堂上
下席位前陳豆于其上六十者三豆七十者四豆八
十者五豆九十者六豆堂下者二豆主人豆如賓之

數皆實以菹醢至期賓將及門執事者進報曰賓至
主人率僚屬出迎于庠門之外主西面賓以下皆東
面三揖三讓而後升堂相向再拜升坐執事者報俱
至主率僚屬出迎揖讓升堂再拜升坐如儀畢贊禮
唱司正揚觶司正出位詣盥洗位次詣爵洗位取觶
于篚洗觶升自西階詣尊所酌酒進兩楹之間北面
立而坐者皆起拱立司正揖俱賓以下皆報揖司正
乃舉觶而言曰恭惟朝廷率由舊章敦崇禮教舉行
鄉飲非爲飲食凡我長幼各相勸勉爲臣竭忠爲子
盡孝長幼有序兄弟恭內睦宗族外和鄉里無或

廢墜以忝所生言畢贊禮唱司正飲酒飲畢以解授
執事者同正北向揖僎賓以下皆報揖司正復位僎
賓以下皆坐贊禮唱讀律令執事者舉律案于堂
之中讀律令者詣案前北向立在坐者皆起拱立行
揖禮如揚解儀然後讀律令有過之人俱赴正席立
聽讀畢復位贊禮唱供饌執事者舉饌案至賓前次
僎次介次主三賓次主以下各以次舉訖贊禮唱獻
賓主降詣盥洗及爵洗位洗爵酌酒至賓前置于席
稍退兩拜賓荅拜又詣僎前送爵交拜如上儀主退
復位贊禮唱賓酬酒賓起僎從之詣盥洗爵洗位如

儀至主前置爵于席稍退主賓僎皆再拜各就位坐
執事者分左右立介三賓衆賓以下以次斟酒訖贊
禮唱飲酒或三行或五行供湯三品畢贊禮唱徹饌
執事者徹饌案在坐者皆興僎主僚屬立于東賓介
三賓衆賓立于西皆再拜贊禮唱送賓賓以下以次
下堂分東西行仍三揖出庠門而退里中鄉飲倣此